

دار الحکمة الاسلامیه شریانی

وظائف انسانیہ

اخلاق انجمنندن :

(قرق دردنجی نسخہ دن مابعد)

شمدی یہ قدر بسط و تمہید ایتدی کمز مقدمات و (انا عرضنا الامانة) آیت جالبہ سنک تفسیری و ترجمہ سی اثناسندہ یوروپدی کمز مطالعاتدن مستبان اولہ جنی و جہلہ عرض اولان امانتدن مراد ، مطلقا تکالیف الہیہ اولدینی آ کلاشیلیورسہ دہ ، مفسرین کرامدن بعض ذوات امانت مزبورہ دن مراد مطلقا تکالیف اولمایوب بلکہ تکالیفک کزیدہ سی و مؤمنینک نوردیدہ سی اولان نمازدر دیمشکر و بوبابده حضرت علی کرم الله وجهہ نک شوسوژنی سند اتخاذ ایتمشلردر .

باب مدینة العلم اولان جناب حیدر کرارک نماز وقتی دخول ایتدیکی اثناسندہ وجہ شریفارندہ اکثریا دوچار خوف و هراس اولانلرک چهرہ سندہ نمایان اولہ کلن تغیر واضطراری مشاہدہ ایدن اصحابدن بعض ذوات سببی صوردرقلرنده حضرت ، جواب اولہ رق جناب حق کوکار و طاعلرہ عرض و تکلیف بیوروب تحملندن استکاف ایتدکلری حالده بنم ضعف بدنم وعدم وسعة اقتدارمه رغماً قبول و تحمل ایتدیکم امانة الہیہ کہ نمازدر ، آنک اداسی زمانی کلدی بیله مه یورمکہ امانة مزبورہ نک تأدیہ سندہ موفقیت کوسترہ بیله جکمی یم بیورمشلرکہ اشبو جواب حیدریدن امانتدن مراد نماز اولدینی صراحةً اکلاشلہ مقدمہ در . نمازک درجہ اہمیتی آ کلامہ لی کہ خیرقلعہ سنی برالیله خالقان کی قولالانان برذات عالیقدر بیله حسن ایفا سندن اظهار عجز ایدیور . کبار اولیاء اللہدن حاتم اصہ نصل نماز قیلارسک دیدکلرنده جواب اولہ رق آلمہ کہہ بی ، آیاقلریمک آلمہ صراطی ، صاغہ جنتی ، صولہ جہنمی ، آرقہ مہدہ ہنرایی قور و شوقیلدیقم نماز اک صوک نمازمددر فرض ایدہ رک کمال اعتنا ایله قیلارمده ینہ قرین قبول الہی اولدیغده شبہہ ایدرم بیورمشلر . ایشته مبدأ و معادنی و حکمت خلق و ایجادنی بیلہن اولیا و عرفا ہب بویله یاپارلردی . بیوک بیلدکلری ، بیوک طانیدقلری ذات الوہنی بیوکلک یونندن نہ قدر طانیہ بیلمشلر و شئون تجلیات سبحانیہ سنی مظاہر کاشاندہ نہ قدر

کورد بیا مشلر سه طرف ربوبیتدن کندیلرینه تودیع اولان امانات الهیهی اونسبتده آغیر
ومقدس طائمشلر ودرحال اجراسنه شتاب ایله برابر عجا امانتی نقطه سی نقطه سنه یرینه
کیره بیلدکی دبیہ انفس و آفاقدن استمداد ایدرجه سنه هم کندیلرینی یوقلامغه ه همد
لاهوئی بر تبشیر قبولک قیلرینه سنوخنه منتظر اولمغه باشلامشلدور .

محی الدین عربینک بلخه الخواص نام اثرنده امانه معروضه دن مراد معرفه اللهدر
دبیہ تصریح اولونیور . فحول شعرازدن یوسف نابینک آئیده کی بیتی محی الدین
عربینک سوزی اوزرینه اولسه کرکدر .

(ویردم سکا درج دل سربسته می اما)

(بک صقله بیوک یردن امانت وار ایچنده)

امانت حقنده مفسرین وصوفیه طرفدن دهاپک چوق تفسیر وتاویل وار ایسه ده
یونلرک کافه می بزم بالاده ابوالسعود ه قاضی ، نيسابوری ، آلوسی کی کیمی علوم
ظاهرده نادره دوران ، کیمیسیده هراکی علمده یکنواز میدان هرقان اولان ذواتک
انتخاب وقبولی وجهله تکالیف شرعیه ، ویا طاعات سبحانییه راجع اوله جفنده شبهه
یوقدر . بز امانتدن مراد نماز اولدی بی تقدیرده مفسرین وهرقای صوفیه دن بعضلرینک
بویابده کی سوزلرینی تعقیباً مقصدمیزه دوام ایدلم :

(ان الصلاة تنهى عن الفحشاء والمنکر)

(اجمالاً معنای جایی)

(علی التحقیق نماز انسانی فحشا ومنکردن منع ایئر) اشبو نظام جلیلک مؤدای
جیلی اوزرینه ذهنلره شویله بر اشکال خطور ایدیورکه اشکال مزبور اهمیتته مبنی
مفصلاً کتب تفاسیرک بیوک ه بیوک صحیفه لرینی بیله اشغال ایتمشدور . شویله که نمازک انسانی
فحشا ومنکردن منعی فصل اوله بیلیرکه بز بش وقت نمازنی اصلا ترک واهمال ایتمز نیجه
مهالیر بیلورزکه فحش ومنکراتدن کنبدنی آله میور ، کنبدینک نماز قیلمی بو آدمی
دکل منکراتدن آلیقویمق بالعکس برطور تعظیم وتجبرله دیا کارلرد مخصوص اولان اطوار
تالایه نک الک بارزی اولان معصیته فارشی قیزمق ، مرتکبلرینی تلمین ایتمک ه بری
طرفده کنبدیسی کیزلی ، کیزلی اولمشتک دها بیوکلرینی ارتکاب ایتمک کی حالات

کنندیلرنده مشهور اولمقدهدر. کرچه منکره قارشی بغض ونفرت وعلی الدرجات نهینه قیام آبروجه برفریضه اولدینی جهته اوراسنه برشی دینه منرسده اوبرطرفده کنديک عین منکری ارتکاب ایتمی صکره ینه عینی محله الله اکبر ديه نمازه طورمی آیه جلیلهک منطق جلیله منافی دوشدیکندن اشکال معروض بتون معناسیله باش کوستریور بناء علیه بوبابده مفسرینک اشبو اشکالی حاسم برجویی وارسه بیوریکیز .

(جواب)

نهی بشقه ، انتهاینه باشقهدر هر نهیه انتها لازم کتز یعنی هر هانکی برشینک ، برذات طرفدن نهی وضع اولنمی نهی اولسان ذاتک اوایشدن واز کچمه سی مستلزم اولماز اکر بویله اولسهیدی جناب حقک نهی بیوردینی محارم اللهک کافه سندن قوللرک همان انتها ایتمه لری یعنی واز کچمه لری لازم کلیردی واقع ایسه بویله دکدر ایشه نمازده بویله در . نهی ایدر ، فقط انتهای ، واز کچمه بی تأمین ایدر من . ذاتاً آیه جلیلهده واز کچیرر بیوریلور ، نهی ایدر بیوریلور بناء علیه اساسندن وارد اولیان شو اشکالک سبب ورودی نهی ایله انتهای بربرینه قاریشیدیرمقدن ایلری کلمکده اولدینده شبهه یوقدر کرچه بعضی مفسرینک قوانجه آیهک منافی نماز انتهایه سبیدر دیمک اولونجه اشکال منبرورک توجهی درکار ایسهده ! کاده شو یولده فنی بر جواب ویریلور . (ان الصلاة تنهی) آیه سی برقصیهدر فقط کلیه دکدر چونکه لام عهد ذهنی به تحمول حکمده اولوب سیاق اثباتده واقع اولمی طولایسیله عموم افاده سندن مهجوردر شو حلاله بعضی نمازلر انتهایه سبیدر منافی حیقار اوده فرائض وواجباتی ، سنن و مستحباتی ، آداب لازمه سنک کافه ایفاسیله قلنان نمازدر بوکی نمازلرک صاحبی فحشا و منکردن منع ایدر چکنه شبهه ایتمه ملیدر یوخسه صاحبک یوزینه اسکی پاچاوره کی چاریله حق اولان نمازلرک انتهایه سبب اوله جفته کیسه قائل اوله من اوکی نمازلر ، صاحبه (سن بی نصل ضایع ایدیورسهک اللهده سنی اوله ضایع ایسون) ندای معنویسیله تهدید ایلدیکی بوبابده شرفوارد اولان احادیث شریفه افاداتیله ثابتدر فقط آدابی دأره سنده قلنان نمازلرک انتهایه سبب اوله جفتک بیانه کلنجه اوت نماز تکبیر ، و تسبیح ، قرآن ، وقوف بین یدی الله ، رکوع ، سجود کی غایه خضوع و تعظیمه دال اولان حرکات تعظیمکارانهی محتوی بولندیندن کویا مصلی به دیمش اولویورکه یا هو شو کال خضوع

وخلوص تام ایله یادیفک حرکات تعبد کارانه به بتون مفاسیله اهل اولان جناب حقه قارنی فحشا و منکر ارتکاب ایتمکدن صافین ، انصاف ایت ، کندیکه آجی ، امکریکی ، امللرخی هدر ایجه یوخسه بویله یایموبده اشبو تعبدات اخلاصکارانه بی معاصی ایله قاریشدریرسه ک حرکاتکده تناقض ایتمش اولورسک چونکه اولکی حرکاتک حضور جبروتنده سر بزمن تعبد اولدیفک اله عظیم الشانک عظمتی ایتان ایتدیکی آندیریر ایکنجی حرکتکده بالعکس عظمت کبریابه قارشی لاقید طاوورانیدیگی کوستریریرکه بونکده برنوع تناقض اولدیفنده شبهه یوقدر .

فخر رازی علیه الرحمة دییورکه نمازک مصلی بی فحشا و منکرودن منعی حقنده اوج وجه درمیان اولونه بیلیر (۱) عظمت شان ، وشکوه وشوکت ودارات و دبدبه سیله شهرتکیر آفاق جهان اولان برپادشاه کثیر الاحسانک دربار شوکت قرارنده کمال خلوص وجدان ایله خدمتده بولونمش وبوسایه ده حریم التفاتنه نائلیت خصوصنده قرنا ی سائرهمی اوزرینه قات قات فائق برموقع ممتاز احراز ایتمش برآدم فرض ایدلم ، برده و قتله بارگاه پادشاهیده کندبیلله قیو یولداشلی ایتمشده اخیراً کندیسندن ظهوره کان کستاخلفندنطولایی غضب ملوکانه چارپلش وبردها عودتنه امکان تصوری جائز اولمه حق برطرزده آستان پادشاهیدن طرد وتبعید اولونمش بر شقیقک منظره خیت وخسراتی کورمش وسبب تلغینی نه کی بر فعل دناشتکاری اولدیفنیده کره کی کبی بیلمش فرض ایدلم . شمدی شو منظره شقاوتک قارشوسنده کال خشیتله ، تیره بن و دیده ، برتله تکرار تکرار تماشا ایدن بوآدم عجبا اوبادشاه والا شانک خدمت مابه المفخرتی برطرفه بر اقوبده ، اوکال ذات ومسکنتله طریده آستان پادشاهی وقرین خذلان نامتناهی اولان خیتک خدمته اقبال وامر وتسویلاتنه روی امثال کوستریریری (اصلا) امدی شو فرضیه مزک مابه التطبيقی اولق اوزره شخص مصلی ایله جناب واجب تعالی نک وآنک بارگاه ربوبیتندن مطرود اولان شیطانی بولورز .

اوت هرهانکی بر قول که خالق بی انبازینه قارشی بش وقتده دیوان الهیسنه طور مق خدمتی قبول ایتمش وبو خدمتیده کال مطاوعتله ایفایه مواظبتی کندینه بر وظیفه لازمه بیلمش در آنک ایچون جناب رب العالمینک قرب مغویسندن بر حصه مکافاة وکندینه مخصوص برموقع ممتاز مناجات واردر بوکی دولتره نائلیتله بکام اولوب طوران بر آدم

ملك يوم دين اولان واجب تعالىك طاعتني براقوبده ارتكاب غش ومنكرات ايدهرك ابليس برتاييس ولعين شقاوت انيسك دعوتنه اجابت وانك شبيكه انقيادينه دوشمك غفلتنده بولونماز. ديمك اوليور كه شوصورتله نماز انساني فحشا ومنكرات منع ايندييور مش. (۲) معلومدر كه لغججلق، سپور كه جيلك، چوپجيك كي خدمات خسيه يي درعهده ايتمك مجبوريتده بولونان كيمسهرلك بو كي خدمتلي ايفا اناسنده كيمه لرينه مخصوص اثوابلي بولونمق طيبي اولديني كي بو خدمتله مبانرندن خالي بولونقلري زمانه مخصوص اولمق اوزره كه جك خصوصي لباسلي اولمقده طيبيدر. بناءً عليه آنلرك كيدكلري اثواب نه قدر قيمتدار اولورسه سوپرتي، قاذورات كي طبع سليم، وجدان مستقيمي تيگسينديره جك مردارلقلردن احترازلري ده اونبتمه اوتار. بو بويله اولديني كي نمازه مواظبي التزام اين عبد مسعود وبختيارده لباس تقواني كه بمش وحضور عظاموت الهيده برملك ذي هيتك پيشگاه سطوتنده صاغ الف صول الي اوزرينه قويه رق اخذ موقع ايله عرض تمظياتده بولونان كيمسه نك وضع احترامكاريسنه شيبه بر وضع وطورده بولنيور ديمكدر.

بالكز شوقدر وار كه برينك كيديكي لباس تقوا، ديكريتك كيديكي ديباي منقش كرانبهادر بو تقديرجه حضور شاهانه مزر كش اطلس جامه لر ايچنده عرض اندام ايدهن كيمسه نك پيسلك، مردارلق ويرنجي قاذورات وسوپرتي مقوله يي شيلردن احترازي فصل طيبي ايسه كذلك حضور سبحانيد خالقنه قارشى عرض تمظياتده بولونان مصلينكده لباس تقواسي اوزرينه لوث عصيان صيچراته جق اولان فحشا ومنكرات احترازي ده ضروريدير. شو حالده بش وقتده تكرر ايده جك بولان شو مناجاتك اوقات مزبورده لباس تقواني كه ن مصليني فحشا ومنكرات مني تحقق ايندييور ديمكدر كه انباته ياشد بكمز مسئله ده بوندن عبارت ايدي.

(۳) خدمات ملوكانه ده بولان كيمسهرلك بر معناد بر موقع مخصوص و مكان معياري واردر كه آنلر دائما اوراده اوطورمق و موقع ضرور قاري محافظه ايتمكه مكلفدر حتى اوراي براقوبده باپوشلقده اوطورمه يي التزام ايتسهر بادشاه طرفندن شمله منع ونهذير اولنورلر. ايسته مصل اولان ذاتده حائز بولونديني قرب مضوي سايه بنده كندينه اصحاب يمين موقع بلندوفر خدمتي بخش واحسان اولمشدر. مصلينك بوني تجاوزله

ارتکاب فحش و منکر یوزندن اصحاب شمال موقفنده اوطورمه سی هیچ بر وقت تجویز اوله من دیمک که نماز انسانه برنوع عصمتده بخش ایدیوره. مصلی فی فحشا و منکر دن منع ایدن و (الصلاة معراج المؤمن) حدیثله قدر بلندی اعلان ایدیلن صلاة و بوجه معروض بتون لوازم شرعیه سی استکمال و فخر رازینک کوستردیکی وجوه ثلاثه ده کی معالیم مضویه نك ملاحظه سه مقرون اوله رق اقلان نماز لر در که یونک بر نمونه سی حضرت جلال الدین مثنویسنده تعریف و تصویر ایدیوره، دییور که .

(مثنوی)

مفیء تکبیر اینست ای امیم

کای خدا پیش تو ما قربان شدیم

ای امام مجتهد نمازه باشلا دیفک زماننده ایلاک تکبیرک معناسی یارب برضنک حضور

عزتکده قربان اولمشز دیمکدر .

(وقت ذبح الله اکبر میکنی)

(همچنین در ذبح نفس کشتی)

قربانی بوغازلاکن اصل که الله اکبر دییورسه ک ، اولدرمه که لایق اولان نفسیکی ده

بوغازلرکن الله اکبر دییورسک .

(تن چو اسماعیل و جان همچون خلیل)

(کرد جان تکبیر بر جسم نبیل)

(کشت کشته تن شهوتها و آرز)

(شد بیسم الله بسمل در نماز)

بدن اسماعیله ، روح خلیله بکنزهر، خلیل (یا ابت افضل مانو مرستجدنی ان شاء الله

من الصابرين) دهن و رضای سبحانی به قارشی بوینی اوزاتان اسماعیل قربان ایدرکن

تکبیر کتیردیکی کی روح ده بوینی قربان ایدرکن اویله جه تکبیر آلور، شهوت و احتراصات

سائره پشینده قوشان نفس مردار اولک راده سه کلشدی ، مصلینک بسمله سیله ترتمیز

اوله رق قربان اولدی .

(چون قیامت پیش حق صفها زده)

(در حساب و در مناجات آمده)

(ایستاده پیش بزبان اشک ریز)
(بر مثال راست خیز رستخیز)



تماز قیلان اهل ایمان تکبیر و بسمله یی شو معنای قدسی ایله اجرادن صکره ، هنگامه محشرده ، حضور احکم الحاکمینده صف ، صف دیزیلوب منتظر حساب و مترقب مناجات رب الارباب اولان اهل محشر کی بر وضعیت آله رقی و کوزیائی دوکهرک قیام قیامت کونی ادا به رعایت ایدنلرک اطوارینی طاقینیرلر .

(حق می گوید چه آوردی مرا)
(اندرین مهلت که من دادم ترا)
(همر خود را در چه پایان برده)
(قوت و قوت در چه فانی کرده)



بوئک اوزرینه مؤمن شویله بر خطاب جبروتی ایله مخاطب اولور سکا و برمش اولدیفم شوقدر مهلت زماننده بکانه هدیبه کتیردک ، کذران اولان عمر یکی نروده خرج ایتدک ، رزقکی ، قوت بدنیه کی نروده محو ایتدک ، کوز کده کی نوری نروده اسکیتدک ، حواس خمسہ کی نروده پیراتدک .

(چشم و گوش و هوش و کوههای عرش)
(خرج کردی چه خریدی ز فرش)
(دست و پادادمت چون بیل وکلند)
(من بخشیدم ز خود آن کی شدند)

کوز ، قولاق ، عقل و ادراک و بونلره متداثر حیات ، علم کی جواهر قدسیه و مواهب حال المال لاهوتیه یی خرج ایتدک بوکا مقابل دنیا ده نه قراندک سکا قازمه ، بیل کی ال وایاق ویردم بونلر هپ بنم سکا بخشایش الهیه بدر کندیلکندن گلش شیر دکل ، صوریورم سکا سویله بونلری نروده استخدام ایلدک .

(در قیام این گفته‌ها دارد رجوع)

(از خجالت شد دوتا اودر رکوع)

(قوت استاد از خجالت نماند)

(در رکوع از شرم تسبیحی بخواند)

قیامده ایکن جناب حق طرفدن وارد اولان شو یولده کی تهدید آمیز سؤاللر
قرشوسنده بولنان زواللی مصلی اوطان دیندن دیزلرینک باغی جوزیلور . همان ایکی بوکلوم
اوله رق رکوعه واریر و سبحان الله العظیم دییه تسبیح ایله شرم و خجالتی تعدیله چالیشیر .

(باز فرمان میرسد بردار سر)

(از رکوع و پاسخ حق بر شمر)

(سر برآرد از رکوع آن شرمسار)

(باز اندر روفتد آن خامکار)

مصلی بوتسبیلحه مشغول ایکن تکرار بر خطاب عزت دها کلیر که قالدیر باشیکی
رکوعدن ، سؤاللریمه جواب ویر ، بونک اوزرینه رکوعدن باشی قالدیر یرسدهده ، سؤاللرک
دهشتی ، مقامک جلالتی ، کندینک خجالتی مقاومتی قیرارق ، زواللی کندینی طوتاماز ،
یوز اوستی قاپانیر .

(باز فرمان آیدشش برداسر)

(از سجود و واده از کرده خبر)

بونک اوزرینه تکرار شویله بر ندا کلیر که باشکی سجدهدن قالدیر ، باید قیلر کدن برو
برر خبر ویر .

(سر بر آورد اودیکر ره شرمسار)

(اندر افتد بازدر رو همچومار)

(باز کوبد سر بر آورد بازکو)

(که بخو اهم جست از تو موبمو)

بونک اوزرینه مصلی سجدهدن باشی قالدیر فقط در حال ینه بیلان کبی یوزاوسته
دوشر ، تکرار جناب حق مصلی به باشکی قالدیرده شویله که سندن قیلی قرق یارارق صوردارم ،
احوالکدن خبردار اولمق ایسترم .

(قوت یا ایستان نبودش)
 (که خطاب ایزدی بر جان زدش)
 (پس نشیند قدمه زان بار کران)
 (حضرتش گوید سخن کوبا بیان)
 خطابات سبحانیه نك تاثیر جانکدازیله مؤمنك آباقدمه دیره نمکه طاقی قلنز اولورده
 اوبار کرانك تخفیفی آرزوسیه قعدهیه اوطورمق مجبوریتده قالیر . بونك اوزرینه ینه
 جناب حق بیوررکه ، آچیق سویله ، صوردقلریمه جواب ویر .
 (نعمتک دادم بکو شکر چه بود)
 (دادمک سرمایه هین بنمای سود)
 سکا نعمت ویردم ، اكا قارشى نصل شکر ایتدک . سکا سرمایه ویردم ، نه کار ایتدک
 سویله بقالم .

(روبدست راست آرد درسلام)
 (سوی جان انیا وال کرام)
 (یعنی ای شاهان شفاعت کین لئیم)
 (سخت درکل ماندش پادر کلیم)
 بونك اوزرینه مصلی یوزینی صاغ جانبنه چوبره رك سلام ویرر ، انیا وآل واحجابنك
 ارواحنه اتحاف ایلر وبونكله دیمش اولورکه ای اورنك نبونك پادشاهری وآسمان ولایتك
 پارلاق ماهلری سزدن شفاعت ایستهرم ، امدادمه قوشوك چونكه شویچاره نك آباغی ،
 کلیمی چاموره بولانمشدر .

(انیا کویند روز چاره رفت)
 (چاره آنجا بود ودست افشاند ورفت)
 (مرغ بی هنگامی ای بدبخت رو)
 (ترك ماکن خون ما اندر مشو)
 بونك اوزرینه انیا ویرلرکه آبول چاره زمانی کجدی ، چاره دنیاده ایدی . اوده
 الینی سیلکدی کجدی .
 سن وقتسز اوتتمکه باشلامش بر قوشین ، هی بدبخت بزی براق ، بیوده بزمده
 قاعزه کیرمه .

(رو بکر داند بسوی دست چپ)

(در تبار و خویش کویندش که خب)

(هین جواب خویش کویا کردگار)

(ما کیم ای خواجه دست از مایدار)

مصلینک صاغ جانبده کیلردن امید یوشه چیقنجه یوزینی صول طرفه چویره رک
خضم واقرباسندن استمداد ایدرسده آنلرده بزدن بوشونه مدد اوومه، صوص درد لر یکی
دیلکاریکی، جواب لر یکی خالقکه سویله بز کیم اولیورز که امداد که قوشالم چک الیکی
بزدن دیلر .

(نی ازین سونی ازان سوچاره شد)

(جان آن بیچاره دل صد پاره شد)

(از همه نومید شد مسکین کیا)

(پس بر آرد هرد و دست اندر دعا)

نه صاغدن، نه صولدن چاره بوله مینجه مصلینک کوکلی پارچه، پارچه اولدی،
هر طرفدن الی بوش چیقان بیچاره الینی قالدیره رق شویله بر دعایه باشلادی .

(کز همه نومید کستم ای خدا)

(اول و آخر تویی ای بی تنها)

یارب هر کسدن مدد بکله دم، هپسندن امیدم کسیددی، بتون امیدلرم بارگاه احدیتکده
طوبیلاندی، اولده سن، آخرده سنک مدد سندنر یارب .

★
★ ★

شمدی انصاف بیورلسون جلال الدینک تصویر ایتدیکی شو حقایقه که نمازک روحیدر،
نمازک ملاه اعلایه، معراج لاهوته یوکسلمه سی ایچون قنادریرر . هر هانکی بر مؤمن
نمازنده شومعانی دوشونه رک، قلبی، روحی، سرنی بتون موجودیتنی بر نقطه ده
طوبیلایه رق قبله گاه احدیه طوغرو یونله جک اولورسه، یانه، یاقیله خالقنه هر رض
مناجاته قویولورسه عجباً اونماز کندینی الی الابد فحشا و منکردن منع ایده جکنده شبهه
اولتورمی (اصلاً) . محی الدین عربی فتوحات مکیه نک بریرنده هر ایکی مصلینک حالی
تصویر آ شوبیتلری انشاد ایدیور .

(وكم من مصل ماله من صلاته)
(سوى زؤنة المحراب والكدوالفا)
(وآخر يحظى بالمناجاة دائما)
(وان كان قد صلى الفريضة وابتدى)



نیجه مصلى وارد ركه ذواللینك نمازدن ، محرابك تماشا سندن اوقیلار كن چكديكى
زحمتدن بشتقه بر حصه سى اولماز ، ینه نیجه مصلى وارد ركه دائما جناب حقله مناجات
حالنده بولتمق دولتیله مسعود اولور ، هر نه قدر نمازی قیلمش بیتیرمش بیله اولسه ینه
اوطاتلی مناجاتك نشئه سى كندیسنده ظهور ایدر طورور .

دارالحکمة الاسلامیه اعضاسندن

مهرت

